



淳化縣志序

淳化爲今陝西下縣於漢則三浦名邑也。司馬遷班固皆云黃帝萬靈閔庭在焉。漢王褒有雲陽宮記揚雄有甘泉宮賦。世所艷稱爲淵雲詞賦者均萃於此。縣其爲靈勝何如哉。至宋而宋敏求長安記程大昌雍勝畧搜采廣博尙校有明所脩縣志爲詳。余自壬辰歲開府西安於關中州縣之志皆次第脩舉。獨淳化以僻在衆山中民俗凋敝不欲有所創造以勸衆。然前以公事至縣覽其山川訪其基址未嘗不致意久之。歲壬寅邠州及所屬三縣有重修志乘之請。適常州洪孝廉稚存來客西安。余因以屬之。孝廉精於

淳化縣志

史學所脩州縣志皆一以史例編之。志成凡十八卷。余又以十年來所聞見而欲訂定者爲增益十數條。於是此書之成其該核可繼長安志雍勝畧二書非世所傳明康海武功志韓邦靖朝邑志等所可比矣。知縣萬令廷樹宰是八年亦能以儒學飾吏治者。其挑纂授輯於是志之成實有力焉。例所得附書也。乾隆四十八年歲在癸卯夏五月。

賜進士及第兵部侍郎都察院副都御史巡撫陝西  
七 處地方贊理軍務兼理糧餉鎮洋畢沅撰

新修淳化縣志序

志以傳信非以傳疑邑志與國史體微異而用則一也粵稽淳邑於漢爲三輔名區歷唐宋元明則有上中下之別至

國朝而復爲中縣其戶口之多寡蓋自秦徙雲陽五萬家以後盛於漢滅於隋唐又滅於宋元迄明季而戶口之存視漢士不及四迫我

國家涵養休息百有餘年而民之逃亡戶之廢敗者始稍稍軼有明而復宋元之舊較隋唐則尚減焉此今昔盛衰之異致也然靈蹟勝概尚克弁冕關中故言其神則明庭秦時之所在也語其異則休屠徑路之

新修淳化縣志序

二

所祠也其山陵則有秦皇漢武之築宮焉其川澤則有白公鄭國之遺績焉王褒頌之於前子雲賦之於後於是而偏隅二邑荒陬姚遠之鄉稽山川志靈異者卓然與長安諸縣競勝則志斯邑者寔不容緩焉舊志成於康熙辛巳長洲張君之手分門別類條理井然較勝於關中諸州縣志惟病其徵引舊聞不著所出又或採自流傳不合之於紀載以相印證是則斯志之微有未善也歲在壬寅上元康熙辛巳又閱八十餘載中間之遞傳遞增所應編輯者復若干軸適當州洪孝廉稚存客關中余商於

州守延修是邑新志共襄其事越五月而志成凡十

八卷爲記八爲簿二爲志五爲略三於古今沿革山川形勝以迄道里遠近祠廟興廢數十年來之忠孝節義幽人烈女廣搜博採詳加考核未敢云盡善也然視舊志稍過之書將付梓洪孝廉曰序而行之是守土者之事也夫余以樗櫟散材黽勉効職八年於茲矣余雖不敏退食之暇嘗纂其大要寄之篇章以志八年中與民相安無事之樂今得襄是書之成而爲之序庸非守土者之厚願乎抑余又有望於後之官斯土者稽丁亥之登降則思培養之宜先觀勝蹟之傳流則思修舉之難緩念人物之遞盛則思表彰之靡遺俾是書之所載者皆形之寔事而不托於空言則文序是書者之志也夫時

乾隆四十八年癸卯夏五月

教授文林郎知淳化縣事南昌萬廷樹登陸

淳化縣志舊序一

從來官一方者必察一方之風俗與夫山川形勝城郭宮室土田物產以及古今孝子忠臣節婦文人武士莫不筆之於書載之於記蓋非以傳疑而要以傳信也淳邑古稱雲陽宋曰淳化原隸鳳翔明初改隸西安舊有縣志鈔本行世自

國朝裁定以前兵燹蹂躪版牘散佚前後編次訛錯者歷有年所姑蘇張令來宰茲土爲政優游於民不擾且有志於古起而修之於是延諸生之有學行者分條給札詢諫僉同閱五月而工告竣書成請序於余余曰志與史雖有大小不同然其理則無異凡志之所載在乎考核詳明所以歸人心厚風俗也故貴有作志之才作志之學而尤貴有作志之實張令爲此殆將以鼓舞民人興起其爲善去惡之心固信以傳信豈疑以傳疑耶余恭膺

簡命由觀察歷藩伯晉開府五載以來凡秦中官吏之賢否人物之淑慝常往來胸臆間今張令果能以作志之心推之化民成俗將見淳之士皆秉禮度義淳之里皆長幼和孝慈于而家淳之婚嫁飲食皆返淳樸幾有豐鎬之遺風長享樂利以共遊於

聖天子太平之盛世斯志也其裨益於世道人心者詎不偉哉是爲序旨

康熙四十一年歲次壬午春王正月上元日

巡撫陝西等處地方贊理軍務兼理糧餉都察院右副都御史加四級又加軍功五級紀錄十一次鄂海題於青門官廨

舊序二

邑之有志與國之有史體微異其所以興利除害勸善懲惡爲用則一也漢孫張公宰淳化奉侍循齋先生於署蓋孝子之志爲民父母之道也循齋先生博綜經史爲吳中冠而宅心制行慈且儉有合於古之聖賢漢孫公奉訓爲政廉明仁恕聲溢鄰封老夫越在華山之下固習聞之夫淳化古雲陽之墟是程遠

之所作小篆者也然地瘠民貧近代以來屢逢兵燹兼值旱荒偷薄日甚而禮樂文章之治賴二三君子維持不墜顧志書散佚無爲理也久矣循齋先生於學道之餘日事編摩延攬俊髦搜訪遺失斷者續之缺者補之於山川向背風俗得失錢穀戶口之豐歉人才物產之盛衰亦既犁然而於古今詩文采輯辨別益復斐然昔將西志武功藝林稱善然爲未完之業不無餘憾今得淳化一償之可以質之而無媿也已憶與定交慈仁鄉中忽三十餘年間過其門得見漢孫公自少及壯夙有家學今以豈弟之德無涸竭之區獨傳梓本不以徵民而田疇殖暹子弟敦傳

幾有漁陽爲政樂不可支之頌焉行以治行膺不次  
之擢爲

天子侍從臣遠猷訐謨可以勸鐘鼎而被管絃區區邑  
志特其一班老夫雖耄尚願扶杖以觀其盛也康熙  
辛巳中秋華陰八十老民王宏撰序

舊序三

雍州古稱神皋與區水深土厚形勝甲於天下

皇朝奠定以來凡山川土俗具載陝西通志淳化西北  
一小邑也而山靈鬱結流爲甘泉自漢訖今夙著名  
勝在昔宋太宗再改元淳化以立邑命名夫以最窮  
郊原而闢其名思履其地比諸星稱勝母水號貪泉

淳化縣志序

三

其人民謠俗由來殆必有稟康熙己卯冬余捧檄受  
任念關風邨兩之遺猶使人咏歌而想見之也因取  
舊志先爲檢閱志創於明隆慶四年不特棗梨殘缺  
點畫漫漶而其後百三十餘年之文獻俱湮沒莫考  
不禁掩卷太息志者所以廣通志所未詳而爲一邑  
記載之典歷久漸忘後將奚賴焉時奉家君定省署  
中越數月餘錢穀不繁簿書恒簡退食之暇猶得與  
翰墨爲伍家君生平留心著述因命進邑中諸士大  
夫暨耆老輩告以志書久闕宜補尚其加意僉謂某  
等嚮望已久敢不各就所見聞以襄盛舉於是以  
遺篇惠教或以片楮紛投以至潛踪幽跡撫拾靡遺

斷榻殘碑。抄錄殆徧。大抵歲月雖遙。而都記未泯。恍然百三十餘年之流風軼事。皆在耳目間。而余初未敢率略也。傳云信以傳信。疑以傳疑。又云所見異辭。所聞異辭。所傳聞異辭。以今證昔。世遠風微。苟涉頗類。奚尚編纂。迺侍家君晨夕。校讐汰其煩蕪。辨其外謬。事必綜括。顛末文必研晰。字句羅中。丞舊本具在。因得增輯成集。俾今日之鉛槧。供將來之筆削。邑雖褊小。庶幾擊壤拊缶。藉以少留文獻云爾。惟是采風辨物。山谷險瘠。濫膺民社。深懼隳越。勉思仰副。

寧寧寵昇之一命吏副

制府

淳化縣志卷之二

四

中丞一方伯。臬憲。道。郡各上臺。告誠周詩。培植優渥之盛。心流覽志。乘吏治彰彰。高山仰止之懷。方且望甘泉而不勝嚮往。家君進命曰。邑以誌重。尚無忘人以志傳也。夫謹拜受厥訓。而錄諸簡端。

康熙四十年夏四月上浣之吉

賜進士出身知淳化縣事長洲張如錦倬庵謹

舊序四

淳化京兆之瘠邑也。入谷口盤陀石。雷四十里。列苑環結。依麓成城。北望原野。屋廬如晨星。炊煙數縷。大抵倚邱壑爲穴居。每念軒皇合宮。肆覲天下。固多形勝。何獨取此莽買竊冢之鄉。爲羣后所觀瞻也。况秦

皇漢武喜功好大周原陸海何地不可以行幸顧置  
茲璇題雲案至今載在圖記皆深宵犇确問意者滄  
桑屢變陵谷頓遷世固有再過而邱墟者矧千百年  
乎翠華拂雲青嶂迎輦之日卽民間時雞籬犬當不  
若是之落寞可知余聞從者舊聽話當全盛時城市  
托處者徧內外望族高華填北其間賈區儲胥裨販  
阜通力穡者衆饒隘無土滿之慮較之繡壤花對雖  
豐歉有間頗堪臥理焉迨萑苻伏莽而賦役困窮將  
卒蕩然物力遂致大厝加以旱蝗沴厲輕去其鄉民  
之能自存者蓋寡迨我

綏安集端惟良有司是頌歲在己卯月當陽復正膺  
履和寒之候而俸廉張公以江左人才調任檄至之  
日邑之人如望歲焉如望慈父母焉而公果適愜所  
望也清操廉節本於至性縮符甫歲餘善政不可枚  
舉要以裁浮濫崇儉漢省徭役息詞訟至於訓課後  
進賞奇析疑嘉惠孤寒解衣推食無論已未列宮牆  
者莫不欲歌欲泣而且功之重於垣墉者雖積廢必  
興利之便於津梁者卽鉅鉅克任殆駸駸乎各有成  
績而益信其能愜所望也太翁循齋先生文學宗工  
夙負藝林月旦海內至今傳誦介石堂書不置公以  
家學淵源早歲成進士奉先生起居養志凡所措施

皆稟承恐後於是先生出其舊述之餘力肆考旁羅  
采及葑菲欲以補淳化之闕略因命公曰志所以佐  
吏治屬要務不可緩茲邑自羅中丞載筆後鮮繼之  
者歲月逶迤缺略實多身在地方可勿黽勉從事公  
准唯受意旨余間得遇從每羨室有懸魚門堪羅雀  
菽水之餘頗極翰墨之樂當其呵凍含毫焚膏繼晷  
不數月纂述告竣將竭力付梓乃不鄙固陋命爲序  
余自惟樗櫟散材伊吾二十年嗜懶藏拙踟躕斗食  
所謂紅蠶緣於枯桑其繭不黃者與顧妄度君子之  
心無亦憫其咎賦侏條而欲學諸丹鉛之末也公蓋  
仁人也令子也賢父母也異日治行

淳化縣志

六

上聞膚寸之雲不踰時霖雨天下古人云三立公直以  
一身兼之而以淳化爲之兆志雖一節紹往開來厥  
功偉焉余幸際其成而僭述大要如此時

康熙辛巳夏五月朔署淳化縣教諭吉陳寶李一鵬  
伯翔拜撰

### 舊序五

一淳化故無志嘉靖庚戌知州志成載縣事紀大略也  
一頃縣令閻伯度湯文東欲創縣志以余屬草槩焉余  
辭未遑也二人者畱贖金以去隆慶庚午春泰和童  
公復之視篆政先風化建名宦鄉賢二祠乃屬二三  
子而告之曰二祠豈風化彰矣無志焉後將何傳述

余前稟顧余年耆舊學荒落文辭不修不足以彰往  
蹟宣人文也余甚懼焉且舊無志可據縣未建時雲  
陽三原錯置甘泉郊天之墟帝王警蹕頻紛載籍雜  
出漫無統紀乃蒐羅校正得諸故牘及今耳目昭著  
者彙集成卷八帙覈實紀事不以野傳疑說者參之  
亦欲以傳信將來也至其損益訂定則俟後之作者  
焉隆慶四年四月穀旦羅廷繡志

舊序六

淳化志成以後敎屬余余以志與史相表裏者也郡  
縣志亦史氏遺旨君子觀民風而思志之不可以已  
也然纂次所及微闕交用管胤始操袁敏由分其勤

淳化縣志舊序

七

域沿革山川形勝城郭宮室之制土田物產之良可  
按圖而舉至別師尹淑慝議論人才短長錯綜古今  
民物事變酌忠臣孝子幽人烈女名狀非先懸鑑於  
心卽無以昭勸戒勵風俗公是非未得為信史是故  
賤職祿貴琮璜狗本實而略考華君子曰知言謂其  
尚實也余嘗與中丞兄躡甘泉囑涇渭風通靈之靈  
關石門之巔吾邑雖世有變更要卽黃帝祀天舊墟  
野踪餘響恍若目覩尋摩芳徑窮勝跡徘徊林光諸  
宮故址聞又得秦皇漢武遊息道事俛視四圍山環  
水遶巖伏鳳舉亦郡城西北一異區也顧自國初迄  
今無志正德中有鈔本如馮丹陽安禪師請不經事

考皆贅書與章文物法可紀載者反遺焉余少時猶見之今並鈔本不存是以正統以前及異代名賢勝蹟湮沒無聞間有載諸羣書傳諸故父老者才什一耳一日觀先聖廟八行八刑碑陰得宋金諸名及康寧廢興所由歎曰使數子者非鐫諸石或石毀於故元間姓名又湮沒矣後視今猶今視昔志可終缺乎客歲己巳楚人湯君尹茲土請修於中丞兄未成而歸藩司僚童君繼來署邑尤銳意此典力贊之中丞兄遂與二三諸生校圖定方分門別類不遺譽不隱惡得於見聞之真者一善必錄事雖有據無關風教者不取書成咸謂簡而精核而不刻間有未盡者足以己意官泉有考銅人玉水有說石鼓西原昭儀法一從有辨其詞愆其意詳得志體矣余聞往者來之鑒也志以識往亦以勗來繼今官師考政可以別淑慝士民鑒德可以定榮辱觀風采旨可以昭勸戒志其有益於邑乎謹敘邑人羅廷紳公書謄

### 重纂凡例

通志類行諸郡縣皆得考證但通志爲全省載記於屬縣土俗事蹟例皆從略若縣志則務求詳今廣諮博采凡沿革已往有與通志不符者悉細加核註不敢保殘守缺貽誤來世

羅中丞舊本稱淳化故無志乃其中亦有校舊志者

意卽原序所云正德間鈔本並不存也創始者難爲  
功苟非宋丞伯仲自宋訖明中葉久已磨滅無傳今  
版刻雖殘卷帙未散固當承爲一鄉故典宋常山公  
長安志偶附奚囊幸供涉獵雖所載祇漢序三輔制  
度其分敘雲陽及涇水源流利弊亦得折衷什一因  
今長安志已單行所引証皆加舊字以別惜圖會通  
考諸書未及携至荒區如枯肆徒抱一紙之願補亡  
駁謬救筆恨然

舊志云甘泉在先設縣在後特哀次甘泉歷年表具  
見前輩經營苦心匪僅以博綜標勝今仍錄置卷首  
爲方域便覽其雜辨數條則於藝文中節取存之概  
者勿嫌踵事增華猶有遺美

水利涇陽爲著固矣乃考本縣仲山爲鄭國鑿渠處  
其南洪堰卽白公渠發源所記溝洫大率涇陽支流  
自宋以前總屬雲陽地要之鄭白渠在淳化雖不此  
河之崑崙記云或源也或委也此之謂務本識者不  
可不辨

俗稱梨園因唐開元天寶中於京城梨園置教坊習  
法曲有梨園弟子名目若此地之爲梨園雲陽宮記  
云武帝所築有樹數百株青蔥如蓋因以名鎮後唐  
時又嘗名寨余恐耳食者誤謂縣治卽教坊地特辨  
著之俾知漢唐異世基址懸絕山靈有知必以鄙言

爲不誣

三水故屬本界涇陽亦聯壤二邑志鈔板未久取資  
參訂良有裨益所惜邠州志附淳化猶仍明嘉靖時  
撫集稍經點竄以是慶歷啟正間職官選舉會屢布  
告莫有詳其姓氏者掛漏之譏方竊自愧諸志如康  
太史武功王司馬三原皆以鄉士大夫采集論斷于  
筆蔚然本邑中丞公亦其亞也余江左鄙儒謬採秦  
風雖極意討求輿誦口碑街談巷語大抵促數紀矣  
網羅放失端有望於後之作者向來志乘或越五六  
十年或多至百年未有闕如至百三十五餘年之久中  
間自

本朝裁定以前寇氛蹂躪版牘淪亡津舊志尚存而歲  
月遼濶凡貢賦人物未得一一補綴增減去取以類  
編次姑畱爲異日謀野之助

修志之役往往適館延資分條給札山署察儉愧未  
遑也殆中秋訖臘杪凡五閱月會三湯稟展卷獨勞  
操觚莫助祇幸邑博李君以編素擅古學諸生宋子  
欽克承家教周爰咨諏每懷靡及繕寫剞劂飲膳工  
費以及紙筆油薪皆蠲俸分給不敢纖毫滋累閭閻  
既得成帙務俾風聲所樹家喻戶曉若謂整齊論次  
庶可懸諸國門則又奚敢

康熙辛巳夏六月朔清河俾庵氏漫述於吏隱堂之

新修淳化縣志纂閱姓氏

撰次

舉人 候補知縣 洪亮吉 江南常州人

監修

直隸 邠州知州 王朝爵 安徽歙縣人

纂修

淳化縣知縣 萬廷樹 江西南昌人

參訂

儒學 教諭 張述湛 西安咸寧人

儒學 訓導 蔣 潛 乾州永壽人

舉人 張昌 邑人

新修淳化縣志纂閱姓氏

恩 貢 呂集成 邑人

歲 貢 李樹本 邑人

歲 貢 葛德充 邑人

校正

典 史 官擴基 江南泰州人

副 貢 范伯棠 邑人

副 貢 劉原清 邑人

廩 膳 生 王永清 邑人

李灼 邑人

郝萬全 邑人

羅三傑 邑人

採訪

廩

膳

生

王麟瑞

邑

人

白天贊

邑

人

王士鰲

邑

人

雒登元

邑

人

劉寧

邑

人

生

常夢麟

邑

人

王喜

邑

人

張偉

邑

人

左昇

邑

人

唐佐清

邑

人

新修淳化縣志卷四 姓氏

于臨川

邑

人

呂玉麟

邑

人

柳寶善

邑

人

賈振芳

邑

人

正字

太

學

生

王式毅

邑

人

廩

膳

生

羅三畏

邑

人

率

生

羅五敦

邑

人

繕寫童

生

范兆奎

邑

人

羅獲祿

邑

人


羅五夜

邑

人

星野附考 周禮始分星野禹貢先列山川仰觀俯察其大較也淳化小邑於雍占鶉首之一隅上應天文舊志未著象緯特擴摭大畧以明分野之所由麗云 周官保章氏以星土辨九州鄭康成注大畧則曰九州而九州中諸國封域亦有分焉其書久亡今所存者十二次之分史記天官書東井與鬼雍州之分前漢地理志自井十度至柳三度鶉首之次乃秦之分後漢律歷志井十二度至鬼五度為鶉首之次於辰在未屬秦分晉天文志自井二十七度至鬼柳鶉首之次屬秦分唐天文志東井與鬼鶉首也自漢三輔及北地上郡以西皆屬今按文獻通考象緯考云自雲中入東井一度至上黨入與鬼二度井鬼分界劃然而唐志又云東井居兩河之陰當地絡之西北華陰以西北地屬之本縣在華陰西北故屬京兆其分野在東井中明矣

星分東井圖



歌

八星橫列河  
 中靜一星名  
 鉞井邊安兩  
 河各三南北  
 正天樽三星  
 井上頭樽上  
 橫列五諸侯  
 侯上北河西  
 積水欲覓積  
 薪東畔是鉞  
 下四星名水